

The



kat.komp.

59619

III Mag. St. Dr.

Fcol 4508.

Gzowski Joannis s. j. Summum Solis theologiae
solisbium.

Provoost, Joannes J. J.
Theologus
Koning der
Nederlandsche
Indië

S

S

S

Celso

Mun

D

J

st

S U M M U M
SOLIS THEOLOGICI
SOLSTITIUM

Sub ipso prope Æquinoctio;

S U B P R I N C I P E
Celsissimi & Faventissimi CAPRICORN
S I G N O,



J N N O V O

Munificentissimi GALCZYNIANI ASTR.

Z O D I A C O


DEMONSTRATUM

et

Patre JOANNE GZOWSKI Societatis JESU,

*In PRIMATIALI eiusdem Societatis
Athenæo Calissienſi,*

Anno SOLIS JUSTITIÆ exorti 1712.




7. XII. 3. 5. 8. XII. 8.
Typis Collegii Calissienſis Societatis JESU,

IN AVITVM STEMM A
Illustrissimæ Domus GALECZYNIANÆ



59619 III

Urfa minor, majorq; Polo est: GAŁCZYNIUS Ursus
Annoni Maximus est, omnia summa tenens?



AD REVERENDISSIMUM
ET

Perillustrem Dominum

D. JOANNEM

De GALCZYNO

GALCZYNSKI,

Ecclesiarum, Łowiciensis Collegiatae Canonicum,
Uniejoviensis Decanum, & Officiale, Białcen-
sis Praepositum, Theologici Collegii Calissi-
ensis Societatis JESU Mecanatem
Munificentissimum.



*Ui Tuò beneficio summum hic nu-
per fecit solstitium; redit & de-
scendit ad Te sol Theologicus ME-
CÆNAS AMPLISSIME. Non
aliter nimirum ille ad Tui Nominis splendo-
rem potest se sistere; nisi simul summum faci-
at solstitium: ut palam sit; quod per summa
nonnisi eluctari ad Te possit; & ultra summa
alia, adhuc Te habeat assequendum; qui sum-
morum es compendium. Certè ubi rectius
sum.*

A


summam solis Theologici stationem figere pos-
simus? quàm ad Tuum honorem; qui ita à Ma-
ioribus Tuis Maximus, in summa ipsius No-
minis Tui virtutumq; simul ac scientiarum
auge consistis; ut omnia splendorum incremen-
ta, & summa omnia quæ mereris infra Te de-
spicias; nec dignari illa velis, nisi contemptore
oculo. Cui æquius summa Theologica à nobis
debeatur? quàm Tibi; qui virtutum Theolo-
gicarum ac scientiarum planè es summa; qui
ultro, liberalissimò Tui munere, ad Divinæ glo-
riæ censum, summam Theologicam Te debere
nobis voluisti; qui demum post summa omnia,
(quæ tot tantisq; cæli incrementis eousq; egi-
sti;) summam Theologicam hic ita plantas, ad
summumq; hanc plantam deducere medita-
ris; ut in luce publica sit, Te & non posse agere
nisi summa, & vel in planta summum esse. At
parum est; solem etiam in Te, nec orientem
iam, sed in summo solstitio consistentem, quid-
ni adoremus Theologi? cùm Tibi, solis instar,
officium an iam natura sit, (tot annis vide-
licet exercitum in naturam pæne illud abiit;)
aliis dicatis cælo Astris tam prælucere, quàm
Præ-

Prælatum esse. Quid plura? an non meridiano sole clarius, summum solis Theologici solstitium, in Te MECÆNAS MUNIFICENTISSIME? dum præter tot, quæ palam sunt, à supremâ Theologicâ Tuâque simul & vel hoc ipso Tuâ quia Theologicâ virtute, profusissima in Minimam Societatem nostram, imò Tuam quia Maximo Tuo Nomini obæratissimam, in universam hanc Primatiale Archidiacesim Tuam, in Metropolim Regni & simul in Regnum ipsum, in varios sacros cætus imò in cælos ipsos Tua beneficia, etiam in illos (quos iniquior fortuna infra suam sortem proiecit & velut infra aliam terræ portionem profundius depreßit:) aureos Tuæ Munificentiae, vel me toties teste & admiratore Tuæ virtutis, spargis radios, occultò quidem beneficiò sed apertissima virtute, & tantò magis aperta virtute quanto minùs apertò beneficiò. Sic & communis sol, (si Philosophis fidem damus;) tantò magis prodigiosam & pretiosam, tantò maiorem magisq; activam virtutem suam exhibet: dum in depressa profundius terræ parte, occultò radiorum suorum beneficiò aurum fundit;

fundit: quàm dum palam aureos per cælum
aut super terras spargit radios. Non revo-
co hic ad calculum alias virtutes Tuas amplis-
simas; quas cum summâ simul Theologicâ, cæ-
lum ipsum, ad calculum imo ad censum gloriæ
Tuæ olim revocabit. Nihil superest; nisi ut
cuius beneficio, summum Solis Theologici sol-
stitium, hic spectamus; & nostrum, pro Tui
Honoris auge, Solem Theologicum hic semper
staturum esse scias; & Tuum Munificentissi-
mæ Gratiæ radium, ad summam perennemq;
Solis Theologici hic stationem, nunquam non
indulgeas; tandemq; cum Sole hic Theologico,
Te quoq; in auge lucis publicæ ac splendorum,
& quàmprimùm & quàm diutissimè cerna-
mus. Ita vovet, Reverendissimæ & Per-
illustris Dominationis Tuæ Honori ac No-
mini

Æternùm devinctissimus in Domino servus,
& infimus etiam ad Superos Orator.

J. G. S. J.



Theologo - Oratorem hodie acturus,
in Vestro confessu Auditores Sapientissimi, id
est etiam citra vocem & titulum vel eminen-
ter vel imminenter Theologi, diu anceps hæsi;
in quonam Eloquentiæ genere præsentem expediturus
essem dictionem; in Demonstrativo genere Demosthe-
nem, an in Deliberativo Cyneam, an potius in Judiciali
Ciceronem vel cum Hieronymo essem acturus. Verùm
licet non unus sit deplorandis hisce temporibus etiam in
Polonia Verres, a verrendis vel cum everfione Regni di-
vitiis aut dictus aut jure dicendus: minimè tamen hic mi-
hi contra illum cum Cicerone actionem placet instituere;
dum non agere sed pati duntaxat licet, causâ hac aut casu
potius ad arcanum fori Theologici tribunal remissò; si non
irremissibilem quispiam existimet. Inter tot inconsulta
etiam Patriæ nostræ consilia, mihi & citra omnem deli-
berationem à Deliberativo genere interim abstinendi est
animus. At nec Demonstrativo genere hac tempestate
in Polonia Oratoribus fere utendum; dum nihil pane de-
monstrari potest, quod ad publicam laudem agatur. Quid
itaq; in Polonia opus laudum genere? dum nihil laudan-
dum geritur: nisi quòd hic nobis ad laudem sese offerat,
Demonstrativo id est laudum genere tam summè digna
scientia Theologica; quàm ipsamet est summa Demon-
stratio, quia scientiarum summa. Sed quid ego hic actum
agam? quid dilaudem Divinam hanc scientiam seipsâ lau-
datissimam? quæ humanitati rationiq; etiam humanæ ita
est consona; ut Divinus ipse protulerit spiritus, *vanos esse* Sap. 13.
homines in quibus non est scientia Dei: ac si sine scientia Dei, id
est sine Theologia, tam inanes & vacui prorsus essent ho-
mines; quàm humanum corpus sine spiritu, domus sine
incola,

incola, concha sine unione, cælum sine Numine. At vel ideo à Demonstrativo id est panegyrico genere, ad Sacrae Theologiæ encomium abstinere hinc cogor; ne Munificentissimum illius Mecænatem hinc vel maximè Reverendissimum experiar; si modestiam suo honori semper infensissimam exacerbare videar, in Authorem Theologiæ merito redeunte elogiò: quamvis illum nec demonstrari hinc necesse sit ad laudem; cum palam sit & amplissimæ panegyris meritum, & meriti Author nec tot libris satis prædicandus; quot quantaq; volumina, illius Munificentia, vel ab extero orbe in Theologicum deduxit studium. Proinde quò securiorem reddam, impatientem sui elogi modestiam; non tam Theologo-Oratorem quàm potius Astrologum Theologicum hodie agam A A; & non nisi summum hinc solis Theologici solstitium sub ipso prope Æquinoctio in novo Zodiaci signo si non ad oculos certè ad oculum demonstrabo.

Terrebat equidem, suæ obscuritatis cæcutientisvè lucis conscium Theologum; quòd sub ipso prope æquinoctio auspicanda esset eo loci Divina hæc scientia; dum videlicet jam lux ipsa nocti æqualis & planè concolor videretur; imò plùs longè in dies & sperari & haberi posset tenebrarum quàm lucis. At insolito astrorum prodigio, an prodigioso favore & munificentia, vel sub ipso æquinoctio summum hinc solstitium advertite: ut æquinoctium illud non aliunde suum derivare videatur vocabulum, nisi quòd accessu solis Theologici jam hinc vel nox ipsa sit æqua diei; luce suâ summum diem adæquet; ita (ut quispian vel è Parnassi jugo advertit) *ingeminat splendore diem*. Quid enim? taceo hinc primum Theologicum Phosphorum an Præcursorem, primum Theologiæ authorem (si Bellarmino fidem damus Theologi) Divinissimum Joannem Damascenum: quod gratiarum nomen, prolusit planè, & primo hinc Theologiæ nostræ Authori & principibus illius in Theologicum studium gratiis. Taceo & portentum illud ingenii, (quò Africa nullum unquam majus edidit,)

edidit,) supremum Theologorum Doctorūq; Docto-
rem Augustinum; cum silentio dignius & admiratione,
quàm eloquio dilaudari possit. Spectate illud, quo nul-
lum illustrius, dictionis meæ argumentum in Theologo-
rum Principe, Angelico nostroq; simul Doctore: qui non
adumbratis duntaxat radiis, totum solem in se collegit, to-
tum profundo pectore abdidit ad summum Orbi universo
solstitium. Ita Astrorum Princeps in Abyssum descen-
dit, dum in Thomam; ut hoc ipso descensu, summum
Orbi faceret solstitium; summam lucem exhiberet in A-
byssu. Et certe nunquam clarior, nunquam sublimior
apparere potuit; quàm ubi profundo magni Aquinatis
pectore sese abdidit. Spectate summam Theologici Prin-
cipis lucem, A A: siderum ille Principem ferens in pecto-
re, quidni integrum cælum animo sit complexus? Divini-
or hic Prometheus, non facem unam à sole vel Dominici
Insigni accensam, sed integrum solis orbem, suo admo-
vet pectori; ut videlicet totum simul orbem possit anima-
re universis lucem dare mortalibus. Nec orbem duntaxat
caelesti igne, sed cælum ipsum & solem suo spiritu ter-
ris animat; dum gerit in pectore: sic cælum nonnisi & lu-
cem spirat utilitati publicæ, an suum soli Theologico in-
spirat animum. O Illustrem Aquinatici pectoris partum! o
solem seipso illustriorem! postquam hoc corde sese abdi-
dit. Non invidemus jam vobis superi; apud terrigenas
etiam solem Theologis nasci didicimus; dum ex Principis
Theologici visceribus spectamus prodeuntem. Sed quis-
quis in pectore solem aspiciis; in animo cælum esse intel-
lige: ubi cælum credis; Angelos non deesse noveris: nec
sol videlicet suo cælo, nec cælum suis carere potest Ange-
lis. At nec aliis opus hinc Intelligentiis cælorum motri-
cibus; terrestri hic Angelus, felicius astra movet; dum
ab illo illiq; optimè animata, in nostrum orbem moven-
tur. Quidni cælestes inter Intelligentias illum censea-
mus? qui ita Angelus fuerat; ut etiam Angelicus Doctor
diceretur: vel quòd non aliter ipsi docturi essent Angeli;

vel quod illi etiam aliquid possent discere à Thoma. Toto cælo hætenus sol erraverit : inter erratica jam sidera nemo illum reponat ; dum in Theologici Principis pectore est fixus. Neq; aliud firmamentum Theologico soli opus fuerit ; quam quod sibi firma & immobilis Angelica virtus fecerat. Ad cursum tamen soli in pectore versanti, ut cælestis non desit zona ; Angelico Theologicum nostrum Principem superi cingunt baltheo. Si fabulosus quondam Jupiter bovis vultum induerat, ut Europam ferre posset in Cretam ; hunc certe Bovem Aquinaticum, (ita Princeps noster principio vocitabatur,) qui sanctiorem etiam nunc sustinet Europam, Deus ipse videtur subisse : & quidni cælum quoq; se illuc transferat ? ubi suum Numen advertit hospitari. In hujus igitur Bovis cælesti Tauro dignioris signum sol descendit ; ut doctiori orbi meliorem quam Atticæ noctes vel Cleanthis lucerna affundat lucem. At caput irradiare non ausus ; quod videlicet tantum proprii habet luminis, quantum nec mille pararent soles. Et minimè in caput hoc eluctari poterat ; quod toto cælo est sublimius. Ergo pectori Principis Theologici sol illabitur ; ut jam nihil possit latere ; quidquid in ejus latere continetur. Immortales tibi gratiæ Astrorum Princeps ; quòd intimam illius pectoris gazam, sub aspectum n. inimè cadentem, tam clarè demonstraveris ; ut non possit non videri : conjicimus, quas opes publicus hic mundi oculus custodiat in Theologorum Principe. Nunquam certè sublimius potuit sol ascendere, quam ubi huc descenderet. suæ lucis sublimitate, vel in imo pectore summum Orbi fecit solstitium Princeps Theologicus. Et quis jam altissimum in illo solem Theologicum fore dubitet ? dum prope ardentem Domestici firii (quo Dominicus insignitur) facem aspicit. Nec defectus est lucis Theologicæ ; quòd unus nonnisi, sed totius mundi oculus spectetur in Theologorum Principe : videlicet *quamvis centoculo sit nox oculatior Argó, uno plus cernit lumine lusca, dies* : & in Theologico nostro Principe, plura ad unum hunc

hunc mundi oculum est spectare, quàm ad millenos aliorum oculos. Ita nimirum ut sublimiora clariùs rectiusq; speculentur Astronomi; obturatâ unâ vel sponte cæcutiunt palpebrâ: ne vel in suis duplicitatem patiantur oculis. Quidni Divinissimus Theologorum Princeps unico mundi oculò ad latus suum retento, in Divina hac scientia ipsum adumbraret aut in se demonstraret Deum; qui totus, tam unus nonnisi est oculus, quàm totus oculus. Ita videlicet ad solatium cæcutientis sub obscuro Fidei scientiæ Theologicæ, aut illius veluti Academiæ cæcorum, quam Historici novi orbis celebrant, quò illustrius astrum, eò minùs sese geminat; & in compendio suam tuetur lucem; ut hæc sit singularis: *nec sol scilicet* (ut ait nonnemo) *esset sol nisi esset solus; nec luna esset luna, nisi esset una.* Comican-<sup>Emm. The-
sauris in
idea argu-
tis.</sup> tur tamen in Doctore Theologico suum Principem astra; *solemq; suum sua sidera norunt*: dum in Aquinatis Divinissimi monumento, vel in extincti pectore, stellæ radiant. Ita Theologicus Princeps, in astra pæne non abiit post mortem; astra potius in illius tumulum abiere. Solem ergo esse quis ambigat, nostrum Principem Theologi? qui etiam tunc astris lucet, postquam occubuit. Spectate Illustrem Aquinatici funeris pompam: cælum ipsum sese tumulto infert, veluti cum eodem tumulandum; qui illud suo pectore animabat, dum viveret. Quanquam nihil hic stupendum: sic occumbenti suo soli allucere didicit an parentare cælum. Quanta tua vel in exiguo loculo magnitudo Divinissime Theologorum Princeps! ipsi Superi tot oculos intendere debuerunt, ut te suis luminibus completi possent; cum uno, etiam totius mundi oculo, totus nequires comprehendi. Cæcam nemo jam existimet mortem; tot illi suos cælum concedit oculos; ut tantum (quantum orbis miratur) Theologorum Principem possit spectare. Novum habet Zoroastrem orbis in Theologico Doctore: in cinerem hic abiit; at cinis ipse in sidera. Sic occumbens Titan superstites sibi relinquit Stellas; ut habeat quem suæ lucis possit facere heredem. Prostratum

stratum gigantem humerò, exusta Herciniæ nemora fumanti titione, extinctum solem Theologicum tam illustri favillâ noscimus. O præclaras de Sole Theologico Reliquias! ô illustrem vel inter umbras tumulum? imò quid ajo tumulum? prodigiorum veriùs domicilium. Ergo alios Theologorum Principi nemo appingat radios; veris tot stellarum radiis illum coronant Superi; ut non pictam in eo fuisse lucem adumbrent. Hi nimirum splendores sunt Princeps Theologicæ & vel ferales inter umbras Tibi affulgent; quos pertinacissimè vivus excludebas; ut videlicet omnem claritatem Tuis dæres monumentis. Et quantam lucem habeant Tuæ sapientiæ monumenta; perspicuum est; dum vel unum tot astris resplendet monumentum. Orbi universo spectandam exhibent, tot lumina Theologici Principis sapientiam: in quam cæli ipsi toto pectore incumbunt. Summæ Vobis gratiæ Superi; quòd Theologico Doctori tot facibus allucetis; ut tantam illius profunditatem, ad tam copiosam lucem advertere possimus. Quisquis ergo Theologorum Principem in profundo tumuli, imò in Nova etiam Fossa, tot sideribus spectat fulgere; agnoscat ita omnia in illo esse profunda, ut nihil sit obscurum. Revolvite ipsius monumenta: quidquid ibi profundum est; cælestes elucidant Asterisci. Quantam lucem scientiis dederit, dum scriberet; quantam claritatem habuerit, dum doceret; inde colligite: quòd etiam extinctus, tantam lucem suis affundat monumentis. Quàm clarum fuisse Principem Vestrum creditis Theologi? cuius vel cineres sunt tam illustres. Spectate quantum sese cælestis flamma exaggeravit circa tam nobile pabulum! en totus prope Theologorum Princeps jam sidus est! sic nimirum sol spectabilior esse solet, dum occumbit. Verum fuerit illud, *cælò tegitur qui non habet urnam*: Theologorum Princeps cælò tegitur etiam in urna. Terrestris nempe hic Angelus inferri cælo non eguit; qui pridem sibi illud in terras sic intulerat, ut continuò secum ferret. Et quàm vicinum Theologis cælum fecerit, hinc

discimus

discimus; quòd illud uno jam nonnisi à nobis distet lapide
sepulchrali; sub quo Thomam irradiat. Adhuc tamen
Theologicus Princeps à cæteris longè distat mortalibus;
quia toto cælo. Quanta sit Theologici Principis sublimi-
tas, advertite; vel prostratus par cælo est, & jacens etiam
ad astra pertingit. Ita in cælum pæne abiit etiam eâ par-
te, quâ sese terris reliquit, Ejus magnitudini nihil dero-
gat; quòd in sepulchralem Fossam se demiserit: sic nihilò
minor est Titan, postquam occubuit; sic etiam in puteo,
orbis est miraculum, solis colossus; nec minùs suspicitur
prostratus quam dum staret. Orbis te non capit Princeps
Theologicæ: ultra zodiacum caput effers si assurgis; to-
tum orbem & astra excedis capite, dum solis orbem geris
in pectore: at etiam dum procumbis, cadentem tellus ca-
pere non potest; nisi astra quoq; occupes, & inter sidera
Te protendas. Nemo hæcenus gigantum fuerat; qui eti-
am stando ad cælum usq; pertingeret: Theologorum Prin-
ceps, vel jacendo in profundiore Fossâ, ipsa sidera attin-
git; dum ab illis in urna regitur. Ita non pedem dunta-
xat in terris ponens, sed etiam procumbens, toto pectore
inter astra versatur; & adhuc majore sui parte cælò emi-
net; dum nonnisi pectore tenus latet inter sidera. Quàm
sublimis demum fuerit Theologorum Princeps; inde æsti-
mate: quòd ita ultra solem & cælum eminuerit; ut neq;
ab ipsis sideribus contingi posset; nisi prius procumbens se-
se submitteret. Summam illius sublimitatem nemo est
qui non videat; si Theologicam illius vel uno oculo aspe-
xerit summam. Quanquam, quantus sit Theologorum
Princeps, quis possit deprehendere? qui adeo in sua subli-
mitate profundus fuerat; ut nihil in se videre posset; cum
essent omnia. Sed quid ego Oratorem, vel certè Histo-
ricum agam, in præclarissimis Theologici Principis mo-
numentis? dum tot stellas illius monumento apponit Nu-
men; hoc est cali linguas, dignos planè & Divina scientiâ
Theologicâ & Theologorum Principe Oratores in elogi-
um adhibet. Satis sit mihi demonstrasse summum solis

Theologici solstitium, vel sub ipso ultimò lucis umbræq; fatalis æquinoctiò, ceu in novò Zodiaci signò, in Nova videlicet Fossâ exhibitum; ut vel tot *sidera testes intendunt oculos.* Quod verò ego in Theologorum Principe, Angelico nostroq; simul Doctore, hactenus demonstravi; Vestrum est simul, *Benedicti planè à Domino;* quorum ille Novam Fossam, vel unius sui monumenti sublimitate, ita explevit; ut & Claram Vallem summâ lucis suæ statione reddat etiam nunc clarissimam sol Theologicus; qui non alibi primam suæ lucis usuram quàm in Cassinensi Monte, non alibi supremam quàm in Nova Fossa, utrobiq; apud Vos suam voluit figere stationem. Ita non Mellissus duntaxat Doctor, verùm & Theologorum Princeps, non alibi quàm apud Vos suam elegit vitam ponere; ut scilicet & spiritum illius & spirantem etiam nunc sapientiam exciperetis; quò in Vobis ille perennaturus viveret. Proinde non stellas crediderim; quæ in extincti Theologici Principis monumento spectabantur, sed soles; in quos, felicibus paræliis, Sol Aquinaticus, in Vestris monumentis in Vobis ipsis, sese replicat. Quidquid Angelici Doctoris est; & Vestrum est simul Seraphici Doctores Bonaventura ac Joannes Duns Scotus; videlicet non esses Seraphicus Doctor; nisi prius esses & Angelicus; imò tantò plus etiam videtur Seraphicum esse Doctorem quàm Angelicum; quantò ex sublimiori esset ordine Seraphinus quàm Angelus; nisi Angelicum nomen, omni etiam cælestium Intelligentiarum commune esset Ordini. Summum planè orbi Theologico exhibent solstitium, & ex Maximo Minorum Ordine primæ magnitudinis sidera Bonaventura & Scotus: adeo ut *Conventualium* nomen vel inde jure inditum existimem, quòd in illos omnia solis Theologici lumina convenerint, stationemq; ibi fixerint: inde à *Re Formæ* simul derivatum titulum; ut orbem universum suâ Divinâ Scientiâ formare & reformare possint. Summum solis Theologici solstitium in illis quis non advertat? nisi quòd luminum Princeps, qui in uno Bove Aquinatico substitit; hic jam subsistat in Geminis, imò in universo Seraphici cæli zodia-

zodiaco ; & Angelicus Doctor Soli Theologico splendor-
rem, Seraphici Doctores ardorem etiam tribuant. Ita
Angelici Seraphiciq; Doctores, (Vos enim minimè hìc li-
cet evolvere ; quos domestica tegit Umbra, & ipsa *se sua* Horatius
prohibet videri luce ; quamvis ut palam est, *ne memorem veteres*
ævo sit gloria nostro vivit - - - in vobis Suarez mentisq; profundus P. Stowi-
Aquinas.) Ita inquam Angelici Seraphiciq; Doctores sum- cki Soc.
mum orbi Theologico exhibent solstitium : Tu, (quem JESU in
vix intueri hìc nobis feliciter deceptum licet, minimè de- Poemate
monstrare repugnante modestià ;) Tu Mecænas Theolo- de eadem
giæ nostræ Munificentissime, hìc summum facis solis The- Societate.
ologici solstitium ; dum Theologicum Principem, Ange-
licum nostrumq; simul Doctorem, cum sua scientia Theo-
logice, ac universitatem pæne Theologorum Doctorum
vel ab extero orbe advocatorum, huc inducis ; statio-
nemq; illorum perennem hìc figis ; adeo ut Tuò beneficiò,
Sol Theologicus, (qui olim primam in Cassinensi monte,
Supremam in Novâ Folsâ stationem fixerat ;) hìc supra
communem alibi suum cursum, novū iterum summumq;
orbi nostro solstitium debuerit inducere, perennemq; sta-
tionem figere in novo planè Zodiaci signo.

Videlicet seu Karnkoviani primò Arietis, seu Lubie-
niani & ordine & munificentia succedentis Uri, id est pe-
regriini Tauri, insigne spectemus ; utrobique habet Sol The-
ologicus Celsissimum plane & Primatiale signum Zodiaci
sui ; in quo ad summum ultra alia solstitium, Athenæo huic
eorum munificentia erecto faciendum, subsistat : sive in
Karnkoviano Ariete, (ex quo cornuta vel Theologis ar-
gumenta oriantur ;) sive in Lubieniani Uri transfosso Ca-
pite, (quod Bovi Aquinatico planè quadrat, ita ut ex illo
verius quam ex aperto Jovis capite, Theologica etiam Pal-
las prodire hìc possit & prodeat ;) sive potius in Geminis
simul ad ampliorem splendorem, Theologico Soli placeat
hìc sistere. Jam si Celsissimum, nunc plane & polari & affi-
ni Polono Zodiaco refulgens, (quod impari elogio sit sub
ROSA) Primatiale & Princeps CAPRICORNI In signe

D

lustre.

Iustremus: consulite vel peritissimos Astronōmos, sub hoc
prorsus Faventissimō Zodiaci nostri Signō, hujus Cæle-
stis planē cæloq; intenti sideris motu, & Publicus, & The-
ologicus Sol, suum habet hīc solstitium. Neq; hibernum
credite id solis Theologici eo loci solstitium; cui videli-
cet summum sit umbrarum, lucis minimum; summam hīc
potius lucem & sperate & spectate Theologi, ceu in æsti-
vo planē solstitio: scilicet *cūm videritis folia nata*; (folia Theo-
logica loquor vel recēter hīc exarata, vel ab extero etiam
orbe Munificētissimi Mecænatis liberalitate deducta;) *cūm*

Matth. 24 inquam *videritis folia nata*; *scitis* vel è sacris paginis nuperrimē
evolutis. *quia prope est aestas*. Quid verò, dum recenter
etiam Beneficentissimum Gałczyniani Urſi Astrum suspi-
cio? novum prorsus in illo Zodiaci Signum, idq; ad pe-
rennem Solis Theologici cursum, adverto: imò integrum
etiam Zodiacum, tanquam luminum splendorumq; com-
pendium in ipso aspicio. Quid enim Zona illa? (quā ad
tot meritorum coronam, cinctus divisusq; est per medi-
um in orbis cæliq; commoda, Avitus Mecænatis Theolo-
gici Urſus;) quid inquam Zona illa? si non cælestis planē
Zodiacus, & medium & circulum ad cursum perennem
Soli Theologico exhibens. Ut Insigne hoc Animal, in
cæli orbisq; commoda sese partitur; ita in culmine vel di-
visum, Mitris ipsis supereminet; ut plantas nonnisi sum-
mæ quoq; attingant coronæ. Nimirum ubi Mecænas Mu-
nificentissime, quā omnia summa ipse mereris, tam sum-
mam hīc Theologicam plantas; quidni vel summa plantas
cingat corona? quas gratiarum comes sequitur. Ita non-
nemo hīc lusit, seriō Amplissimæ Beneficentiæ cultu; quod
Theologicæ gratitudini liceat relegere: *Vrſa minor majorq;
Polo est; Gałczynius Vrſus, an non maximus est, omnia summa tenens?
summa petit plantis, summa & Theolloga plantat; summum & in hac
planta quis neget ergo fore?* Quis inquam neget Te summum
vel in planta Mecænas Amplissime? dum summa & sum-
mam Theologicam plantas. At & Theologica summa,
planē hīc summa est Tuā Munificentia, summa ad Tuæ
gloriæ

gloriæ censum perennem; dum non aliter plantatur quàm ad plantas coronatas; ut planta hæc Theologica, ad perennem Munificentissimæ gratiæ coronam semper excurrat. Jure proinde ipsâ Gratiarum actionis die, principium sumpsit Theologica hîc scientia; ut, quàm non unius sed tot gratiarum ea fuerat argumentum; ita perenne sciret hîc sibi futurum festum actionis gratiarum. Certè locum hunc, (ubi istam ipsam Cathedram, vix non cathedram pestilentia effecerat, dum infecerat, ausa hoc ipsum Lycæum grassans nuper Calisli lues invadere;) locum inquam hunc Theologicum, Gratiolum Sacerrimæ Charitatis Victimæ nomen, pestilenti doctrinæ semper more Theologicò infestissimum, supremo suo Spiritu hîc relicto, tam gratiis quàm Sacræ Scientiæ Theologicæ pridem veluti consecravit. Optimo simul omine, Magni Gandiensium Doctorum Principis & Principum dein Doctoris Borgiæ, luce, Divina hîc Scientia sub Beneficentissimis Auspiciis exordium accepit; ut videlicet ille Gandiensium Doctorum Primas, Primusq; in illa (quæ prima nostris Doctoribus celsit Academia) Princeps, Primatiale hanc eò loci Archi-Theologicam Scientiam initiaret; vel ut, qui initiatas hîc scientias primus olim probarat, idem ad summum illas deduceret; vel Principem etiam inter omnes alias, Munificentissimâ Liberalitate futuram hîc Divinam Scientiam, ostenderet: adeo, ut vel Culmensis olim Theologica Scientia debuerit desistere, Culmensisq; Theologicus Doctor huc demum transferri; quòd Celsissimum Culmen, huic potius Primatiali deberetur Theologicæ Scientiæ. Fulgeat suæ Antiquitatis jure Divina Scientia in Claro Collegio; Comitem habeat vel Thaumaturgam Petri Umbram; subsistat in præclaro Leonis Astro; Sandomirienses etiam simul inter Stellæ micet, *velut inter ignes luna minores*; in Balthico tandem mari, Aquinaticum habeat vel quærat altum: hîc summum, hîc Celsissimum planè culmen illi tenere licet, in Primatiali Athenæo; ut jam non Logicæ duntaxat summulæ Cassilii, Calislio nostro sint

veluti innatæ, sed Theologica etiam summa illi perenni-
ter debita. At parum est; quòd Scientia hìc Theologica,
sub munificentissima Mecænatis liberalitate Celsissimum
culmen teneat: vel exteros ille soles collegit, ad summum
Solis Theologici Solstitium; nec unam ipsi satis erat, ad
lumen gloriæ, Calissensem hic erigere Theologiam, nisi si-
mul Romanam, Hispanam, Austriacam, Gallicam, & tatum
non Orbis universi Theologiam Scientiam, in suis volu-
minibus gratiosissimè huc induceret; simulq; intermissum
Athenæum nostrum Philosophicum reduceret. Quidni
enim Sacram Scientiam Theologiam, Religiosa, (id est
sacra quoq;) Logica, affinis utiq; comitaretur? Quan-
quam quid hìc voluminibus opus? ubi & ipsum Mecæna-
tis, planè est Bibliotheca Caput, tam summam Theologicam
quàm summis reliquis scientiis virtutibusq; Theologicis
ac planè Cardinalibus instructissimum. Vel ipsa hìc, (quæ
integerrimas aliorum scientias *superaverant*,) *Fragmenta*, an
verius summorum gemmæ Doctorum, ad summam esse
possunt Scientiæ Theologiæ (sub inaugurato ad faustissi-
ma quævis auspiciis Stephani nomine & Numine) coro-
nam, ad summum Solis Theologici Solstitium; adeo ut à
Faventissimo Luminum Principe, stabiles hìc Scientiæ
Theologiæ sperare liceat RESPECTUS, tam semper re-
petendos quàm IDENTICOS. Certè ad inauguranda
eò loci Scientiæ nostræ Theologiæ auspiciis, nihil relicius
obtigisse potuit; quam Caput illud, & simul capitis nostri
imò Caput Corona: nihil fortunatius ad fixam hìc &
summam Solis Theologici stationem, quàm sublimissimus
ille Solis planè Increati RESPECTUS, tam faventissimus
quàm IDENTICUS. Ad invidiam cæterarum gentium
dixerit olim Admirabilis Hispano-Romanus Theologo-
rum Doctor Antonius Perez, non alia majora capacioraq;
sibi optare se ingenia quàm Polona: nos jam ad fortuna-
tissima Divinæ Scientiæ hìc auspiciis, ad summum Solis
Theologici solstitium, non alium optamus Admirabilem
Theologicum Doctorem, sub quo & eruditi fuerimus &
etiam

etiam nunc erudiamur; quàm cui idem nomen obtigit, eadem est Divinæ Scientiæ sublimitas; ut & Romæ Doctorem ageret, vel cum ab illa disceret. Jam quid illustrius ad summum hîc Solis Theologici solstitium, poterat contingere, quàm illud Nomen gloriæ, illud Theologici Doctoris Nomen; quod omnia nostra Theologica Lycæa hîsce temporibus erecta, vel rexit gloriosissimè vel erudivit: adeo ut novissimum istud Archi-Theologicum Lycæum, non aliter aliis antè erectis ultimum accesserit; quam ut supremum esse posset, & tam novitate quàm dignitate Celsissimum: nisi quòd illi alter Cathedræ Socius, obtigerit planè etiam novissimus; ut vel tenuitatis propriæ conscientia fateri cogitur: omnia tamen adhuc, ad summum Scientiæ hîc Theologiæ culmen, (ubi ad Triarios Theologicos Scientiarum res devenit,) Stephani Nomen coronat.

Ita Celsissimum hîc Scientiæ Theologiæ culmen, summum Solis Theologici solstitium, sub ipso prope æquinoctio in novo plane Zodiaci Signo imò in novo Gałczyniani Urſi Zodiaco, ego demonstravi; Tu fecisti Mecænas Munificentissime. Quidni enim summum apicem teneret hic Scientia Theologica; cui tot literarum imò Doctorum apices, & verbis ut nummis & nummis ut verbis utendo, liberalissime imposuisti. Proinde minimè hîc sollicitus titulò gratitudinis de elogio Tuo Theologus; cui videlicet, tot tantiq; Doctores, tot voluminibus eloquentes, Tuæ liberalitati obæratissimi, sunt in promptu. At si fortè vel ad summum Solis Theologici solstitium, quidpiam obscurum contigerit; cum non ignoretis A: quemvis eò magis decolorem fieri prope solem, quò magis hic sublimem se exhibet: à geminato, hoc est ultra primas partes Mitris ipsis eminentes, secundò affulgente, Gałczyniani Urſi fidere, vel sub profundam noctem, secundissimum sperare & habere hîc licet Theologis serenum. Videlicet geminatum in Avito Gałczyniani Urſi Insigni Sidus, an non meritò Majorem Minoremq; Urſam, Cælestem

planè, existimem? à quâ sub obscuro Fidei Theologica
Classis abundè habeat lucis; ne in Aquinâtico aberret al-
to: nisi quòd cælo ipsi sit Ursa Minor Majorq; non nisi;
jam Galczynius Urfus, vel Mitris supereminens, planè est
Maximus. Ergo vel Maximâ hac præmissâ, concludit
& Theologus & Astrologus Theologicus,

Ursa Minor Majorq; vale: Theolloga Classis
GALCZYNIO URSO jam suum cursum reget.



ologica
erret al-
onnifi;
lanè est
oncludit

reget.

Biblioteka Jagiellońska



stdr0026787

